

## **Otsailaren 27ko 11/2007 FORU DEKRETUA, Pertsona Fisikoen Errentaren gaineko Zergaren zenbatespen objektiboaren metodoko zeinu, indize edo moduluen modalitatea aplikatzeko eremua 2007ko urtarrilaren 1etik aurrera zein den zehazten duena.**

Berriki 2006ko abenduaren 29ko 10/2006 Foru Araua onartu da, Gipuzkoako Lurralde Historikoko Pertsona Fisikoen Errentaren gaineko Zergari buruzkoa. Aipatutako foru arauaren bitartez, 2007ko urtarrilaren 1etik aurrera gure lurraldean aplikatu beharreko Errenta Zerga eratuta geratu da. Sartutako neurrien artean, bereziki aipatzekoa da modulu bidez zehazten diren jarduera ekonomikoen etekinen gainean atxikitzeko obligazioa ezartzen dela zerga iruzurrari aurre egiteko asmoz, kasu honetan, etekin garbia zeinu, indize edo moduluak aplikatuz zehazten duten jarduera ekonomikoen arloan.

Zenbatespen objektiboaren modalitate hau aplikatzean egin daitekeen zerga iruzurrari hobeto aurre egiteko, komenigarria da etekin garbia zuzeneko zenbatespenaren metodoaren bidez zehaztera pasatzea, 2007ko ekitalditik aurrera, 2006. urtean zenbatespen objektiboaren zeinu, indize edo moduluen modalitateara bildu zitezkeen hainbat jarduera.

Horri dagokionez, gogoan hartu behar da 10/2006 Foru Arauak xedapen indargabetzailearen 2. apartatuan jasotzen duela indarrean jarraituko dutela foru arauan jasotakoaren aurka ez doazen erregelamenduzko arauak, haietan jasotako erregelamenduzko gaikuntzak erabiltzen ez diren bitartean. Bestetik, Pertsona Fisikoen Errentaren gaineko Zergaren Erregelamenduari buruzko 2001eko abenduaren 18ko 68/2001 Foru Dekretuak ezarrita utzi zuen zein jarduera ekonomikori izango zaien aplikagarria zenbatespen objektiboaren zeinu, indize edo moduluen modalitatea. Horretarako, zerrenda batean jasota uzten du Jarduera Ekonomikoen gaineko Zergaren zein epigrafetan aplikatu ahal izango den modalitate hori.

Hori horrela, jarduera horiek zenbatespen objektiboaren metodoaren zeinu, indize edo moduluen modalitateetik kanpo utziko badira, aldatu beharra dago Pertsona Fisikoen Errentaren gaineko Zergaren Erregelamenduari buruzko 2001eko abenduaren 18ko 68/2001 Foru Dekretuko 35. artikulua 1. apartatua. Foru dekretu honetako artikulua bakarraren bitartez aldatuko da aipatu artikulua.

Bestetik, hainbat xedapen iragankor onartu dira, 2007. urterako epe hauek luzatzeko asmoz: batetik, Balio Erantsiaren gaineko Zergaren erregimen berezi erraztuari eta nekazaritza, abeltzaintza eta arrantzarenari uko egin eta horietan atzera egiteko epeak; eta, bestetik, zenbatespen objektiboko metodoaren zeinu, indize edo moduluen modalitateak eta zuzeneko zenbatespenaren metodoaren modalitate erraztua aukeratu eta atzera egiteko epeak. Gainera, salbuespen gisa 2007. urterako finkatu da zuzeneko zenbatespenaren metodoaren modalitate erraztua automatikoki aukeratzeko erregimen bat. Horren helburua da 2006. urtean jardueraren etekin garbia zenbatespen objektiboaren metodoaren zeinu, indize edo moduluen modalitatearen arabera zehaztu duten zergadunek 2007. urtean ezin aplikatzea foru dekretu honetako artikulua bakarrean jasotakoari jarraituz. Eta

atxikipena egiteko data aldatu da zenbatespen objektiboaren metodoa aplikaziozkoa zaien hainbat jarduera ekonomiori dagokienez, eta aurretik jarritako data indargabetu da xedapen indargabetzailearen bidez.

Horiek horrela, Fiskaliterako eta Finantzetarako foru diputatuak proposaturik, Lege Aholkularitzako Batzordeari entzun ondoren, eta Diputatuen Kontseiluak gaurko bileran eztabaidatu eta onartu ondoren, hau

## XEDATU DUT

**Artikulu bakarra. Pertsona Fisikoen Errentaren gaineko Zergaren Erregelamenduari buruzko 2001eko abenduaren 18ko 68/2001 Foru Dekretuko 35. artikulua 1. apartatua aldatzea.**

Honela aldatu da Pertsona Fisikoen Errentaren gaineko Zergaren Erregelamenduari buruzko 2001eko abenduaren 18ko 68/2001 Foru Dekretuko 35. artikulua 1. apartatua:

«1. Pertsona Fisikoen Errentaren gaineko Zergaren zenbatespen objektiboaren zeinu, indize edo moduluen modalitatea jarraian zerrendatzen diren jardueri edo jarduera sektoreei aplikatuko zaie, betiere horietako bakoitzerako ezartzen diren kopuruak gainditzen ez badira:

Taldea edo epigrafea (JEZ)	Jarduera ekonomikoa	Magnituda
0 saila	Abeltzaintza independentea.  Abereak hazi, zaindu eta gizentzeko zerbitzua.  Balio Erantsiaren gaineko Zergaren nekazaritza, abeltzaintza eta arrantza erregimen berezitik kanpo dauden nekazari eta abeltzainek eginiko beste zerbitzu eta lan osagarri batzuk.  Balio Erantsiaren gaineko Zergaren nekazaritza, abeltzaintza eta arrantza erregimen berezian sar daitekeen nekazaritza edo abeltzaintza jarduera.	10 langile
—	Baxurako arrantza.	-----
647.1	Txikizka saltzea edozein motatako janari eta edariak establezimendu saltzailedunetan.	3 langile personas empleadas
647.2	Txikizka saltzea autozerbitzu erregimenean edo erregimen mistoan edozein motatako janari eta edariak, 120 metro karratuko azalera baino gutxiagoko saltokia duten	3 langile personas empleadas

	establezimenduetan.	
662.2	Txikizka saltzea edozein motatako artikulua, janari eta edariak barne, 661 taldean eta 662.1 epigrafean zehaztu ez diren establezimenduetan.	3 langile personas empleadas
663.1	Txikizka saltzea merkataritzako establezimendu finko batetik kanpo, elikagaiak, edari eta izozkiak barne.	2 langile
663.2	Txikizka saltzea merkataritzako establezimendu finko batetik kanpo, ehun eta jantzi gaiak.	2 langile
663.3	Txikizka saltzea merkataritzako establezimendu finko batetik kanpo, oinetakoak, larruak eta larrugaiak.	2 langile
663.4	Txikizka saltzea establezimendu finko batetik kanpo, drogeria, kosmetika eta, oro har, kimikazko produktuak.	2 langile
663.9	Txikizka saltzea merkataritzako establezimendu finko batetik kanpo, beste edozein motatako merkatalgaiak, beste inon sailkatu gabeak, salbu salgai jartzen diren artikulua edo produktuei Balio Erantsiaren gaineko Zergaren baliokidetasun errekarguaren erregimen berezia aplikagarri ez bazaie.	2 langile
671.4	Bi sardeskako jatetxeak.	10 langile
671.5	Sardeska bakarreko jatetxeak.	10 langile
672.1, 2 y 3	Kafetegiak.	8 langile
673.1	Kategoria bereziko kafetegi eta tabernak.	8 langile
673.2	Bestelako kafetegi eta tabernak.	8 langile
675	Kiosko, barraka eta antzeko lokalak.	3 langile
676	Txokolate, izozki eta hortxata dendak.	3 langile
681	Izar bat edo biko hotel eta moteletan ostatu ematea.	15 langile
682	Hostal eta pentsioetan ostatu ematea.	12 langile
683	Arroztegi eta apopilo etxeetan ostatu ematea eta zerbitzu berbera eskaintzea landa turismoko ostatueta hauek nekazaritza,	12 langile

	abeltzaintza edo basogintzaren jarduera osagarri ez direnean.	
691.1	Etxeko elektragailuak konpontzea	3 langile
691.2	Ibilgailu automobil, txirringa eta bestelako ibilgailuak konpontzea.	6 langile
691.9	Oinetakoak konpontzea.	2 langile
691.9	Bestelako kontsumo gaiak, beste inon sailkatu gabeak, konpontzea (oinetakoen konponketa eta artelanen, altzarien, zaharkinen eta musika tresnen zaharberrikuntza izan ezik).	2 langile personas empleadas
721.2	Autotaxi bidezko garraioa.	3 ibilgailu edozein egunetan
721.3	Bidaiarien errepide bidezko garraioa.	5 ibilgailu edozein egunetan
722	Merkantzien errepide bidezko garraioa	5 ibilgailu edozein egunetan
751.5	Ibilgailuak koipeztatu eta garbitzea.	6 langile
757	Mudantza zerbitzua.	5 ibilgailu edozein egunetan
933.9	Irakaskuntzarekin zer ikusia duten bestelako jarduerak burutzea, hala nola hizkuntzak, jostungintza, mekanografia eta takigrafia irakastea, edo azterketak, oposaketak eta horien antzeko beste batzuk, beste inon sailkatu gabeak, prestatzen laguntzea.	5 langile
967.2	Kirol hobekuntzarako eskolak eta zerbitzuak.	3 langile
971.1	Janzkiak, arropak eta etxeko artikulak erabiliak tintatu, lehorrean garbitu, ikuzi eta lisatzea.	5 langile
972.1	Emakumezko eta gizonezkoen ileapainketa zerbitzuak.	9 langile
972.2	Apaindura areto eta institutuak.	7 langile
973.3	Dokumentuak fotokopiagailuz kopiaatzeko zerbitzuak.	5 langile»

## **XEDAPEN IRAGANKORRAK**

**Lehena. Uko egin eta atzera egiteko epeak, Balio Erantsiaren gaineko Zergaren erregimen berezi erraztuari eta nekazaritza, abeltzaintza eta arrantza erregimen bereziari dagokienez.**

Balio Erantsiaren gaineko Zergaren araudian jasotakoa eragotzi gabe, Balio Erantsiaren gaineko Zergaren erregimen berezi erraztua 2007. urterako garatzen duen ministerio agindua Estatuko Aldizkari Ofizialean argitaratu ondorengo egunean hasi eta 2007ko martxoaren 31n amaituko da 1992ko abenduaren 29ko 1624/1992 Errege Dekretuak, Balio Erantsiaren gaineko Zergaren Erregelamenduari buruzkoak, 33. artikulua 2. apartatuko bigarren paragrafoan uko egiteko nahiz atzera egiteko aipatzen den epea, 2007. urterako ondorioak izatekoa.

**Bigarrena. Aukeratu eta atzera egiteko epeak, Pertsona Fisikoen Errentaren gaineko Zergaren zenbatespen objektiboaren metodoaren zeinu, indize edo moduluen modalitateari dagokionez.**

2007ko martxoaren 31ra bitartera luzatu dira Pertsona Fisikoen Errentaren gaineko Zergaren Erregelamenduari buruzko 2001eko abenduaren 18ko 68/2001 Foru Dekretuak 28. artikulua 1. apartatua eta 32. artikulua 2. apartatua aipatzen dituen zenbatespen objektiboaren metodoaren zeinu, indize edo moduluen modalitatea aukeratzeko nahiz atzera egiteko epeak, hain zuzen 2007. urterako ondorioak izatekoak.

**Hirugarrena. Aukeratu eta atzera egiteko epea, Pertsona Fisikoen Errentaren gaineko Zergaren zuzeneko zenbatespenaren metodoaren modalitate erraztuari dagokionez.**

2007ko martxoaren 31ra bitartera luzatu dira Pertsona Fisikoen Errentaren gaineko Zergaren Erregelamenduari buruzko 2001eko abenduaren 18ko 68/2001 Foru Dekretuak 18. artikulua 1. apartatua eta 20. artikulua 2. apartatua zuzeneko zenbatespenaren metodoaren modalitate erraztua aukeratzeko aipatzen duen epea eta foru dekretu berak 18. artikulua 2. apartatua atzera egiteko aipatzen duen epea, hain zuzen epe biak 2007. urterako ondorioak izatekoak.

**Laugarrena. Aparteko prozedura, 2007. urtean jarduerak zeinu, indize edo moduluen modalitate kanpo izango dituzten zergadunen zuzeneko zenbatespenaren metodoaren modalitate erraztua aukeratzeko.**

2007. urterako salbuespen gisa, eta eragotzi gabe Pertsona Fisikoen Errentaren gaineko Zergaren Erregelamenduari buruzko 2001eko abenduaren 18ko 68/2001 Foru Dekretuak 16. artikulua 1. apartatua jasotakoa, uste izango da aukeratu egin dutela aipatu foru dekretuak 18. artikulua 1. apartatua eta 20. artikulua 2. apartatua aipatzen duen zuzeneko zenbatespenaren metodoaren modalitate erraztuaren aplikazioa 2006. urtean jardueraren etekin garbia zenbatespen objektiboaren metodoaren zeinu, indize edo moduluen modalitatearen arabera zehaztu eta, haien epigrafea modalitate bil daitezkeen jardueren zerrendatik kanpo geratzeagatik, 2007. urtean aplikatu ezin duten zergadunek, betiere foru dekretu honek artikulua bakarrean jasotakoari jarraituz.

## **Bosgarrena. Zenbatespen objektiboaren metodora bildutako hainbat jarduera ekonomikori aplikaziozkoa zaien atxikipena.**

Ezin izango da egin Pertsona Fisikoen Errentaren gaineko Zergaren Erregelamenduari buruzko 2001eko abenduaren 18ko 68/2001 Foru Dekretuko 105. artikulua 6. apartatua jasotako atxikipena, harik eta 2007ko martxoaren 31ra bitartean, hori barne.

## **XEDAPEN INDARGABETZAILEA**

Foru dekretu hau indarrean jartzean, indargabetuta geratuko da 2007ko urtarrilaren 9ko 2/2007 Foru Dekretuak xedapen iragankorrean jasotakoa. Izan ere, aipatu foru dekretuaren bidez, aldatu egiten dira Pertsona Fisikoen Errentaren, Sozietateen eta Zergadun Ez-egoiliarren Errentaren gaineko Zergen Erregelamenduak, mendetasun kenkariaren arloan nahiz atxikipenaren eta konturako sarreraren tasen arloan, eta 2007ko ekitaldiko eguneratze koefizienteak finkatzen dira Pertsona Fisikoen Errentaren gaineko Zergaren abenduaren 29ko 10/2006 Foru Arauak 47.2 artikuluan jasotakoaren ondorioetarako.

## **AMAIERAKO XEDAPENA**

Foru dekretu hau Gipuzkoako Aldizkari Ofizialean argitaratutako egunean jarriko da indarrean, eta 2007ko urtarrilaren 1etik aurrera izango du ondorioa.